

Jones y jogn nasciüs l'ann 2008 y i nasciüs l'ann 2009 co ará complí 16 agn cina le de dla Crejima, preodü por Pasca de ma 2025, é bel enviés da gní con geniturs, totes y toc y enteressés ales **seres d'enformaziun con Markus Felderer**, diretor dal ufize por la catechesa, sora le tru de preparaziun ala Crejima, co met man cösc altonn. Chisc é i termins: ai 28 d'aorí ales 20:00 a Badia, tla Ciasa Runcher o **ai 12 de ma ales 20:00 a Al Plan**, tal salf dla Raiffeisen. - Do cöstes encuntades gnarál fissé te vigne ploania na data por tö sö l'**iscriziuns ala preparaziun** (NB: nia ciamó ala Crejima!). Cösta mess gní fata dal jonn o dala jona personalmonter, zonza geniturs.



Vita de ploania y de paisc

- **Enformaziuns en cört dal Consei de ploania** (sontada dai 27.03.2023):

Sabeda Santa: la zelebraziun dla Net de Pasca con benedisciun dal fū y dal ega y santa messa gnará zelebrada da signor ploan ales 19:00 a Rina y ales 21:00 a Al Plan. Te nosta ploania gnarál tigní ales 20:00 na **zelebrazziun dla Parora de Dio** aladò dai criteris diozejagn. Le fū benedí por nosc cere da Pasca junse ia Rina a dô; cösc é ince en segno de lian con signor ploan y con söes atres ploanies. La comunité é periada da jí te dlíjia olá che al gnará spo fat l'ingres con la "Löm de Gejú Crist". Al ven ince perié da se tó empara, desco zonza, na ciandera.

Pilora da Pasca: la pilora da eniann ó recordé la pert chîta dla sabeda santa y envié a storjé pro te dlíjia por na oraziun, tal chit, dan la fossa santa.

Comegnun a ciasa: en Pasca vegnel porté ince la Santa Comegnun tles ciasas. Chi co se dejidreia da la ciáfé dess se lascé adentene cina en dedemesaledema pa maestra Brigitte, ☎ 338 9316650.

L'oferta da en Pasca vá ince eniann a nosc Cor de dlíjia. Preitambel y iolan!

- **Sorvidus:** por en Pasca periunse endò der bel do val' üs por nüsc ministranc y nostes ministrantes. Der bel iolan!
- **Na resa por la vita:** en Pasca do la gran messa vegnel tigní l'aziun „Na resa por la vita“, olache al ven vonü reses, a ben dla Südtiroler Krebshilfe.



Enformaziuns y termins

De dal ambiont: le Comité dai Jogn dal Comun de Mareo envieia düc canc a to pert al de dal ambiont. La **sabeda ai 15 d'aorí** piunse ia ales 09:00 dal paiun dla Musiga y ales 13:00 ennant s'encuntunse ia Al Plan dal paiun dla Musiga por na bona marena.

Döt le bun a:	Giovanna Pedevilla, Bornech	* 04.04.1934
	Gustl Winkler	* 04.04.1937
	Pasquale Alberto Pedevilla	* 04.04.1942
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ



Ann A 02.04.2023 - **DOEGNA DAL ORI Y EDEMA SANTA** n. 19

Lalda, lerúsalem, to Signur, lalda to Dio, oh Sionn. Osanna, osanna, osanna al Fi de Dàvid!

📖 Mt 21, 1–11 | Is 50, 4–7 | Fil 2, 6–11 | Mt 26, 14 – 27, 66

Tl'edema santa acompagnunse Gejú sön so tru dla pasciun: i liun y nes tolun a cör la storia dla pasciun y mort, desch'ara nes ven cuntada en cösta domegna da san Mateo. Les letöres dla domegna dal orí nes dá da capí che les gran cosses pó ben ma gní arjunes con le patí. Le profet Isaia mostra sön le "fant de Dio" co mess patí y co ven martorjé, mo co sa: "Dio, le Signur, mo daidará" (1ª letöra). San Paul recorda te söa letera ai Filipesc che le tru che Gejú á fat por roé ala ressureziun é segné dal ester gní arbassé y dal fá la orenté dal Pere cina ala mort sön la crusc. Porchel l'á Chel Bel Dio alzé alalt sora düc (2ª letöra). Ince tal vangelo pa la benediscin dal orí nes vegnel mostré cösta söa umilté te na moda der da brancé ete: Le Fi de Dio y le Re dal ci se lascia festejé dala jont raitenn ete tla ciüté de lerúsalem nia sön en gran ciaval, mo sonté sön en müsc con en polerin. Por la jont da laota, mo ince por nos él en segno y na demostraziun che Gejú ó ester re y nes salvé te döt en n'atra maniera che nos nes aspetun y minun (vangelo). da "Bibia di Sandis"

Dal Vangelo do San Mateo:

[...] ⁶I discepui é jüs y á fat ci che le Signur ti á de sö. ⁷Ai á condüt la müscia y le polerin, á motü sü guanc sön chisc y spo s'ál sonté lassora. ⁸Trepa jont destenea sü guanc ia por strada, d'atri taiâ jö rames dai lens y les sterna ia por tru. ⁹La jont, co jea danfora y co ti gnea do, scraia: Osanna al Fi de Davíde! Benedí sii el, co ven tal ennom dal Signur. Osanna tal plü alt dal cí! ¹⁰Canch'al ea jü ete te lerúsalem, s'á döta la ciüté emozioné y an damaná: Che é pa cösc? ¹¹La jont dijea: Cösc é le profet, Gejú da Názaret tla Galilea.



**Benedí sii el,
co ven tal ennom dal Signur.**
Mt 21, 9

📖 *Letöres dla Gran festa de Pasca:*
St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18

Liturgia dl'Edema Santa	
DOM 02.	FESTA DAL INGRES DE GEJÚ A IERÚSALEM <i>Francesch de Paola, Maria d'Egit</i> domegna dal orí
→ 08:15	benedisciun dal belorí jö da paiun, prozesciun te dlijia gran messa por döta la ploania con la Pasciun do San Mateo s.m. por † Maria Pedevilla Ellemunter, Pinter
10:00	gran messa a Al Plan
Lön 03.	lönesc dl'edema santa Richard, Elisabeth Koch
19:30	s.m. d'aniversar por † Maria Kehrer ved. Vollmann, Slugher s.m. por † Carlo Ploner, Corterei s.m. por vis y †† Rovara, Aroth s.m. por les Püres Armes
Ded 04.	dedolönesc dl'edema santa Isidor, Konrad, Heinrich Richter
07:30	s.m. a Antermeia
Dem 05.	dedemesaledema dl'edema santa Vinzenz Ferrer, Crescentia, Iuliana
Jöb 06.	JÖBIA SANTA Zelestin, Sisto, Wilhelm
→ 20:30	s.m. dl'Ultima Cena de ringraziament por l'Eucaristia y le Sazerdoze, ♪ Ernst Tittel, "Kleine Festmesse" adoraziun dal SS. Sacramont tla „Fossa Santa“, velia con la Joneza
Ven 07.	VENDRES SANC Jan Baptist de la Salle, Albert → jain y astinonza dla cern
→ 14:30	liturgia dal Vendres Sanc con la Pasciun do San Jan adoraziun dla Santa Crusc → oferta de Carsema
Sab 08.	SABEDA SANTA Walter, Beata
→ 20:00	zelebrazion dla Parora de Dio dla Net de Pasca
21:00	funziuns dla Net de Pasca con santa messa a Al Plan
DOM 09.	GRAN FESTA DE PASCA <i>Waltraud, Konrad</i>
06:30	messa adora a Al Plan
→ 08:15	salüde ala festa, "Vidi aquam", gran messa ciantada solena por döta la ploania, benedisciun dal signé , → oferta por nosc Cor ♪ Wolfgang Amadeus Mozart, Missa in C „Orgelsolomesse“ KV 259
10:00	gran messa a Al Plan
→ 14:30	espi da Pasca
ampola:	por les families
ministronc:	• lönesc y sabeda: Damian y Tobias • domegna: Valentina y Jonas, Rafael y Manuel
i recordun:	Maria Cecilia Willeit, Bornech † 02.04.2019 Maria Kehrer ved. Vollmann † 04.04.2017

Le Re dla pêsc

I ponsun do:

I se damanun val iade co ch'an pó tigní sö le mal por che le ben pói se slarié fora. Sc'i ti ciarun al ingres de Gejú a Ierusalem ciafunse na resposta a cösta domanda: al ne raita nia a ciaval, mo sön en müsc; cösc ea por la jont da laota en segn che al portâ salveza con umilté y zona violenza. Les rames de belorí benedides ch'i portun do messa a ciasa se deida recordé Gejú Crist, le Re dla pêsc, y la forza dla benedisciun ch'al s'á porté.

I periun:

Gran Dio, te cöst'Edema Santa festejunse le momont culminant dal ann liturgich. Láscesse diventé chïc por ponsé dô y renforzé nosta uniun con Crist, co é jü danfora le tru tla mort y dla ressureziun y vir y regneia con te tl'eternité.

Vesco Wilhelm Egger "Sonntagsbibel"



Palmsonntag

Als es Abend wurde, begab er sich mit den zwölf Jüngern zu Tisch. Matthäus, 26-20

Jesus lädt mich ein, mit ihm zu gehen und er möchte Mahlgemeinschaft mit mir halten. Bin ich bereit?



Edema Santa 2023

Iu toli pert ala zelebrazion dla Jöbia Santa, por sontí l'amur de Gejú tal past dl'Eucaristia y tal sorvisc dal preo.

Iu toli pert ala funziun dal Vendres Sanc, por reingrazié dl'aziun de salveza de Gejú sön la cursc.

Iu toli pert ala zelebrazion dla Sabeda Santa, por ciefé lominus y vita nea con Gejú rosserí da mort.

Iu toli pert ala gran festa de Pasca, por festejé con düc i cristians la vita y la pêsc dal Signur por döt le monn.

I simboi cristiagn cuntés ai mituns (12)

L'agnel



Jan le Baciadú dij che Gejú „Agnel de Dio“ (*Vangelo do San Jan 1,29*). Desco en agnel inozont, co ven sacrifiché, mör Gejú söla crusc. Cösc recordunse canch' i festejun deboriada l'Eucaristia. I periun: „Agnel de Dio, che te toles demez i picés dal monn...“

Ince al pan dl'Eucaristia, l'ostia, ti dijunse „Agnel de Dio“. Le nimbus, co é le certl lominus con la crusc encer le ce dal agnel, se mostra, che chel agnel é Gejú.